

司空表聖詩集

新平知
和

PDG

戊籤七十四

唐音統籤卷七百四

司空圖字表聖河中虞鄉人咸通末擢進士第繇
宣歙幕歷禮部郎中僖宗行在用爲知制誥中書
舍人知天下必亂歸隱中條山王官谷龍紀乾寧
間徵拜舊官及以戶兵二部侍郎召皆不起遷洛
後被詔入朝陽爲野耄狀丐歸梁召爲禮部尚書
不應哀宗被弑不憚數日卒圖少有俊才晚年遭
亂避世多詭激嘯傲之辭有一鳴集三十卷內詩

十卷

唐宋志同晁公武云以濯纓
亭一鳴窓名其集自爲序

今存詩五卷

本傳

云圖王官谷有先世別墅泉石林亭頗愜幽趣日
與名僧高士遊詠其中自號知非子耐辱居士豫

爲壽壙引客坐其中賦詩酌酒裴徊客或難之笑曰君何不廣生死一致吾寧暫遊此中哉布衣鳩杖歲時村社雩祭祠禱鼓舞會集必造之與野老同席無傲色圖嘗論詩云沈宋始興之後傑出於江寧宏肆於李杜右丞蘇州趣味澄夏若清沈之貫達大曆十數公抑又其次元白力勅而氣孱都市豪估耳劉夢得佳致亦足滌煩厥後所聞逾褊淺矣經亂索居得所錄尚累百篇適自編一鳴集撐建裂月訪作者之肝脾亦當吾言之無作也又云詩貫六義諷諭抑揚淳蓄淵雅皆在其間惟近而不浮遠而不盡然後可言韻外之致愚幼嘗自負旣久而愈覺缺然得於春早則有草嫩侵沙長冰輕著雨消又人家寒食月花影午時天又雨微吟足思花落夢無慘得於山中則有坡暖冬生笋松涼夏健人又川明虹照雨樹密鳥衝人得於江南則有戍鼓和潮暗船燈照島幽又迴塘春盡雨方響夜深船又夜短猿悲滅風和鶻喜靈得於塞下則有馬色經寒慘鵬聲帶晚饑得於喪亂則有驂騑思故第鸚鵡失佳人又鯨鯢人海涸魑

魅棘林幽得於道宮則有棊聲花院閉幡影石壇
高得於夏景則有地涼清鶴夢林靜肅僧儀得於
佛寺則有松日明金像苔龕響木魚又解吟僧亦
俗愛舞鶴終早得於郊園則有煖景雞聲美微風
蝶影繁又遠陂春早滲猶有水禽飛得於樂府則
有晚粧留拜月春睡更生香得於寂寥則有孤螢
出荒池落葉穿破屋得于愜適則有客來當意慙
花發遇歌成雖庶幾不瀆于淺澗亦未廢作者之
譏訶也七言云逃難人多分隙地放生鹿大出寒
林又得劍乍如添健僕亡書久似憶良朋又孤嶼
池痕春漲滿小欄花韻午晴初皆不拘於一槩又
論絕句詩本於詣極則有殷勤元日日歌午又明
年五更惆悵迴孤枕猶是殘燈照落花此外千變
萬化不知所以神而自神計敏夫云司空圖傷
時思古退已避禍清音冷然如世外
外道人所謂變而不失其正者

五言古詩

效陳拾遺子昂感遇三首

高燕飛何捷啄害恣群雛人豈玩其暴華軒容爾
居強欺自天稟剛吐信吾徒乃知不平者矯世道
終孤

陽和含煦潤卉木競紛華當爲衆所悅私已汝何
誇北里秘穠豔東園鎖名花豪奪乃常理笑君徒
咄嗟

醜婦競簪花花多映愈醜鄰女恃其姿掇之不盈
手量已苟自私招損乃誰咎寵祿旣非安於吾竟
何有

感時

好鳥無惡聲仁獸肯狂噬寧教鸚鵡啞不遣麒麟
吠人人語與默唯觀利與勢受毀亦自遭掩謗終
失計

自誠

我祖銘座右嘉謀詒厥孫勤此苟不怠令名日可
存媒衞士所耻慈儉道所尊松柏豈不茂桃李亦
自繁衆人皆察察而我獨昏昏取訓於老氏大辯
欲訥言

秋思

身病時亦危逢秋多慟哭風波一搖蕩天地幾翻

覆孤螢出荒池落葉穿破屋勢利長草草何人訪
幽獨

華下

日炙旱雲裂迸爲干道血天地沸一鑊竟自烹妖
孽堯湯過災數災數還中輟何事奸與邪古來難
撲滅

七言古詩

短歌行

烏飛飛兔蹶蹶朝來暮去催時節女媧只解補青
天不解煎膠粘日月

耐辱居士歌

圖嘗擬白樂天醉吟傳爲休休亭記曰司空氏禎貽溪之休休

亭本濯纓亭爲陝軍所焚復葺於壞垣之中乃更名之休休也美也旣休而美存焉少而墮長而率老而迂非濟世之用量才一宜休也揣分二宜休也耄而曠三宜休也今雖退爲匪人所嫉宜以耐辱自警庶保終始與靖節醉吟第其品級于千載下復何求哉因爲耐辱居士歌題于亭之東北楹時天復癸亥六十有七矣亦樂天作傳之年也

咄諾休休休莫莫伎兩雖多性靈惡賴是長教
閑處着休休休莫莫一局棋一爐藥天意時情
可料度白日偏催快活人黃金難買堪騎鶴若曰
爾何能答言耐辱莫

馮燕歌

沈下賢馮燕傳云燕魏人少以意氣任擊毬聞雞戲魏市有鬪者燕往搏

殺不平遂匿亡滑時相國賈公軌在滑能燕才留軍中他日行里中見戶傍婦人色甚冶使人熟其意遂室焉其夫滑將張嬰也會嬰從其類飲燕伺間偃寢中拒戶嬰還妻開戶納嬰以裾蔽燕燕卑脊步就蔽轉匿戶扇後而巾墮枕下與佩刀近嬰醉且瞑燕指巾令其妻取妻取刀授燕燕熟視斷其妻頸持巾去明旦嬰起見妻歔慄然嬰鄰以爲嬰殺之縛以告其妻黨共持白不能言收繫強伏其辜將就市看者圍面千餘人有一人排看者呼曰無令不辜歾者吾竊其妻而又殺之當繫我吏執之乃燕也與見賈公公以狀聞請歸其印以贖燕死上義之下詔凡滑城死罪皆免麗情集以此歌爲沈下賢作注文苑英華者誤採之下賢有其傳未嘗作歌也集可考

魏中義士有馮燕遊俠幽并最少年避讐偶作滑
臺客嘶風躍馬來翩翩此時恰遇鶯花月堤上軒
車晝不絕兩面高樓語笑聲指點行人情暗結擲
果潘郎誰不慕朱門別見紅粧露故故推門掩不
開似教歐軋傳言語馮生敲鐙袖籠鞭半拂垂楊
半惹煙樹間春鳥知人意的的心期暗與傳傳道
張嬰偏嗜酒從此香閨爲我有梁間客鶯正相欺
屋上鳴鳩空自鬪嬰歸醉卧非讐汝豈知負過人
懷懼燕依戶扇欲潛逃巾在枕傍指令取誰言狠
戾心能忍待我情深情不隱回身本謂取巾難倒

柄方知授霜刃馮君撫劍卽遲疑自顧平生心不
欺爾能負彼必相負假手他人復在誰窓間紅艷
猶可掬熟視花鈿情不足唯將大義斷胃襟粉頸
初迴如切玉鳳凰釵碎各分飛怨魄嬌魂何處追

集作歸

凌波如喚遊金谷羞彼椰榆淚滿衣新人藏

匿舊人起白晝喧呼駭鄰里誣執張嬰不自明貴
免生前遭考捶官將赴市擁紅塵掉臂人來擗看
人傳聲莫遣有冤濫盜殺嬰家卽我身初聞僚吏
翻疑歎呵叱風狂詞不變縲囚解縛猶自疑疑是
夢中方

一作云

脫免未歛勸君莫浪言臨危不顧始

知難已爲不平能割愛更將身命救深冤白馬賢
侯賈相公長懸金帛募才雄拜章請贖馮燕罪千
古三河激義風黃河東注無時歇注盡波瀾名不
滅爲感詞人沈下賢長歌更與分明說此君精爽
知猶在長與人間留炯誠鑄作金燕香作堆焚香
酬酒聽歌來

五言律詩

早春

傷懷同客處病眼卽花朝草嫩侵沙長冰輕著雨
銷風光知可愛容髮不相饒早晚丹丘伴飛書肯

見招

塞上

萬里隋城在

隋大業三年築長城

三邊虜氣衰沙填孤障角

燒斷故關碑馬色經寒慘鵬聲帶晚悲

本集作饑

將軍

正閒暇留客換歌辭

江行二首

地濶分吳塞楓高映楚天

一作曲

塘春盡雨方響

夜深船行紀添新夢羈愁甚往年何時京洛路馬

上見人煙

初程風信好迴望失津樓日帶潮聲晚煙含楚色

秋戍旗當遠客島樹轉驚鷗此去非名利孤帆任
白頭

下方二首

三十年來徃中間京洛塵倦行今白首歸卧已清

神坡暖冬生

一作抽

笋松涼夏健人更慚徵詔起避

世迹非真

按舊史巢賊亂圖還河中王徽表爲副使不起召爲知制誥乃起此詩豈赴召

時作邪

昏旦松軒下怡然對一瓢雨微吟足思花落夢無
慘細事當碁遣衰容喜鏡饒溪僧有深趣書至又
相邀

月下留丹竈 有序

詩題五字乃真仙之詞也邵陽某縣人或聞其
山實異齋禱積稔果有蹈空而至者涉筆附楹
久之乃罷去旣而熟視本文則字皆隱起成列
矣某年中廉帥上聞且命鑱其逸跡藏於郡廟
其後爲刺史李岫所得今傳於君孫豈精契之
所感致耶光啓三年秋八月旣望愚獲觀于王
官別業噫跡雖顯竒道必體正故爲物恠之所
中者見之莫不洗然欲蓋其事目擊可數也吾
知挾邪倭以冒進者亦當膽慄自廢豈俟圖鼎
燬犀而後辨奸妖之詭態哉綴之全篇以志誠
敬且期自警泗
水司空氏記

月下留丹竈壇邊樹羽衣異香人不覺殘夜鶴分
飛朝會初元盛蓬瀛舊侶稀瑤函真跡在妖魅敢
揚威

次韻和秀上人遊南五臺

中峰曾到處題記沒蒼苔振錫傳深谷翻經想舊
臺危松臨砌偃驚鹿驀溪來內殿評詩切

師以文章應制

身迴心未迴

贈李員外

危橋轉溪路經兩石叢荒幽瀑下仙果孤巢懸夕
陽病辭青瑣祕心在紫芝房更喜諧招隱詩家有
望郎

長安贈王沔

正下搜賢詔多君獨避名客來當意愜花發遇歌

唐音續集
成樂地留高趣權門讓後生東風閒小駟園外好
同行

僧舍貽友人

笑破人間事吾徒莫自欺解吟僧亦俗愛舞鶴終
卑竹上題幽夢溪邊約敵碁舊山歸有阻不是故
遲遲

贈信美寺岑上人

巡禮諸方遍湘南頻有緣焚香老山寺乞食向江
船紗碧籠名畫燈寒照淨禪我來能永日蓮漏滴

寒泉

一作
塔前